




Broj: 03/7-02-02-1-1670/24

Sarajevo, 9. 9. 2024.

Parlamentarna skupština BiH
Kolegiju Doma naroda
Ustavnoправној komisiji Doma naroda



Na osnovu člana 97. st. (1) i (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16) i čl. 1. i 2. Jedinstvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine BiH daje sljedeće

Mišljenje

o

Prijedlogu zakona o izmjenama Zakona o finansiranju političkih stranaka

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 6. 9. 2024. dopis predsjedavajućeg Doma naroda Parlamentarne skupštine BiH, broj: 02-02-1-1670/24, od 5. 9. 2024, kojim se, u skladu s članom 97. stav (1) Poslovnika Doma naroda Parlamentarne skupštine Bosne i Hercegovine (u daljnjem tekstu: Poslovnik), dostavlja *Prijedlog zakona o izmjenama Zakona o finansiranju političkih stranaka*, predlagača Zlatka Miletića, delegata u Domu naroda Parlamentarne skupštine BiH, (u daljnjem tekstu: Prijedlog zakona), radi davanja mišljenja o usklađenosti s članom 95. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

U nastavku Zakonodavno-pravni sektor je cijenio usklađenost Prijedloga zakona s Poslovnikom, te je konstatirano da je delegat Zlatko Miletić ovlašteni predlagač u skladu s članom 94. Poslovnika. Prijedlog zakona podnesen je u skladu s članom 95. stav (1) Poslovnika, u pisanoj i elektronskoj formi na bosanskom jeziku. Također, u skladu s članom 95. stav (3) Poslovnika konstatira se da dostavljeno obrazloženje Prijedloga zakona sadrži sve elemente propisane članom 95. stav (3) tač. a), b), c), d) i g) Poslovnika. Kada je delegat predlagač zakona, mišljenje Agencije za zaštitu ličnih podataka u Bosni i Hercegovini o usklađenosti prijedloga zakona, koji se odnose na obradu ličnih podataka, sa standardima zaštite ličnih podataka i mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma u skladu s članom 95. stav (4) Poslovnika.

Međutim, uz Prijedlog izmjena zakona nisu priložene odredbe članova koje se mijenjaju te verzija prečišćenog teksta zakona kako je to propisano članom 95. stav (5) Poslovnika.

U skladu s navedenim, ukazujemo na odredbe člana 95. stav (6) Poslovnika.

II. U pogledu usklađenosti Prijedloga zakona s Jedinstvenim pravilima konstatira se:


- u gornjem desnom uglu prve stranice Prijedloga zakona potrebno je dodati riječ: "PRIJEDLOG";
- u preambuli Prijedloga zakona iza broja 4. potrebno je dodati oznaku tačke "a");
- u naslovu ispred riječi "zakon" potrebno je dodati riječ "prijedlog" u odgovarajućem padežu;
- u članu 1. Prijedloga zakona koji se odnosi na član 3. Zakona formulaciju: "Dosadašnje tač. f) i g) postaju tač. e) i f)" potrebno je zamijeniti formulacijom: "Dosadašnja tačka f) postaje tačka e)" jer je Zakonom o izmjenama i dopunama Zakona o finansiranju političkih stranaka ("Službeni glasnik BiH", broj 41/16) u članu 3. stav (1) tačka g) brisana. Također, na kraju dosadašnje tačke f) koja postaje tačka e) potrebno je zarez zamijeniti tačkom. U cijelom tekstu Prijedloga zakona dosadašnju tačku f) potrebno je zamijeniti tačkom e).

Na kraju, u članu 2. Prijedloga zakona koji se odnosi na član 7. Zakona postojeću formulaciju potrebno je zamijeniti formulacijom: "Član 7. briše se" bez navođenja dalje prenumeracije dosadašnjih članova 8. do 22. za jedno mjesto unazad.

III. Slijedom navedenog u tački II. ovog mišljenja, konstatira se da će Odjel za izradu i objavu pravnih akata Stručne službe Doma naroda Parlamentarne skupštine BiH u skladu sa svojim ovlaštenjima doraditi Prijedlog zakona kako je navedeno u tački II. ovog mišljenja, ukoliko isti bude usvojen na sjednicama oba doma Parlamentarne skupštine BiH.

Rukovodilac
Zakonodavno-pravnog sektora

Bojan Šehovac



Dostaviti:

- naslovu
- a/a